

四庫全書

史部

欽定四庫全書

史部

硃批諭旨卷一百十四至

臣 永瑤 恭 校

編 修 臣 裘 謙 覆 勘

總校官中書 臣 朱 鈐

校對官中書 臣 陸 湘

謄錄監生 臣 王國梁

欽定四庫全書

硃批諭旨卷一百十二

硃批楊長春奏摺

雍正元年六月初十日江西南昌總兵官臣楊長

春謹

奏為恭謝

天恩事雍正元年五月十九日據兵部劄付內開欽奉
上諭各省總兵官有具摺奏事者亦有從未具摺奏事

者著行知伊等嗣後如有應奏之事俱各密摺陳奏
欽此行文到臣伏念臣世受

國恩由廕監生補授佐領叅領蒙

聖祖仁皇帝不次拔擢洊歷總兵官寸長未效恭逢

皇上御極以來

隆恩疊沛厚澤頻施祇因未奉

諭旨不敢進摺

奏謝今蒙

特恩賞准摺奏俾臣犬馬愚忱時得上達

宸聰而地方緊要事務亦可密請

指示聞

命自天感激無地理合繕摺

奏謝謹

奏

知道了爾向日居官聲名甚好爾之為人居心朕已深
悉更加勉力毋懈

雍正二年十月初一日浙江提督臣楊長春謹

奏為奏明事竊臣仰荷

聖恩補放浙江提督

陛辭之日欽承

聖訓臣惟凜切氷兢黽勉供職以仰報

殊恩於萬一臣於雍正二年九月初八日抵浙任事業

經

題報在案茲接兵部劄付內開欽奉

上諭各省道府同知通判州縣等官内有才幹素著廉潔自持者著總督保奏三員巡撫保奏二員布政使按察使各保奏一員將軍提督亦屬本省大員將所知者亦令保奏一員俱各密封保奏不得會同商酌欽此
劄行到臣伏念臣到浙未久現在整飭地方營伍其通省文員内才幹素著廉潔自持者一時廉訪未盡周知不敢冒昧陳

奏仰冀

聖恩寬宥俯俟查有深知灼見之員另具密摺保舉外

理合

奏明伏祈

睿鑒謹

奏

所奏合宜應如是

雍正二年十月十六日浙江提督臣楊長春謹

奏為奏明事竊臣於雍正二年十月十三日據寧波

府知府及城守營遊擊稟稱本日有慈谿縣後海居民數百人聚衆入城前至縣署關闢等情知府先已馳往臣即刻令寧波府城守營遊擊守備星夜前往安撫解散去後旋於十四日據差去遊擊稟稱職等到縣詢問情由民人等俱係二十八都民竈等戶因本年七月內遭風雨海潮之患日望賑濟今聞餘姚地方俱已賑過獨慈谿一縣賑濟銀兩被縣官侵蝕未曾給發故此來縣的職等會

同知府多方撫慰又經知府買發食米七石分給
災民方行散去現今居民安堵地方寧謐等情今
遊擊守備等俱於十五日回寧訖所有災民聚散
情形臣不敢壅於上

聞謹

奏

知道了凡事皆應據實直陳一毫不隱方不負朕之任
用也勉之

雍正三年四月初七日浙江提督臣楊長春謹

奏為據實覆

旨事臣於雍正二年八月初一日恭聆

聖訓指示周詳併

諭臣密訪處州鎮總兵官王安國居官何如欽此欽遵

敬謹留心訪察迄今半載以來訪聞得總兵官王安國從前居官操守並無聲譽自臣到任至今其於地方險要必親歷巡查官兵亦勤加訓練且並

無貪冒扣剋之處實屬勤慎小心循分供職理合
據實覆

奏伏祈

皇上睿鑒謹

奏

據奏已悉大都人情莫知其子之惡旁觀猶易當局更
難勉之勉之

雍正三年六月十四日浙江提督臣楊長春謹

奏為恭謝

天恩事竊臣齎摺家人回寧恭捧

欽賜藥錠一匣到臣當即郊迎至署恭設香案望

闕叩頭謝

恩祇受訖伏念臣謬膺重寄深愧涓埃未報今蒙我

皇上優渥宏仁以上方之丹藥

賜邊海之武臣俾無疾厄之虞永享安寧之福從此犬

馬餘生皆係圖報之日矣理合繕摺奏

謝謹

奏

覽奏謝知道了前月輪流保送郝宏勳穆廷弼蘇明良
三人因何未經密奏考語其據實補奏可也

雍正三年八月初七日浙江提督臣楊長春謹
奏為遵

旨據實補奏考語事竊臣前奏恭謝

天恩一摺奉有

皇上硃批命臣將輪流保送副叅郝宏勲等三員之考語據實補奏欽此臣跪誦之下驚惶無地伏思臣以駑駘下質謬膺重寄雖事事故謹矢公矢慎尚難

仰報

高深於萬一今乃將保送考語遺漏是臣愚昧已極又蒙

皇上隆恩不即加罪容臣補

奏臣何人斯邀此

殊遇不覺感激涕零謹遵

旨將郝宏勳等三員考語另摺補奏伏乞

聖慈寬宥臣無任待罪之至謹

奏

朕前奏摺尚有忽畧之失地方諸務保無精神不到之處封疆事重脫有貽悞可乎勉力勤慎切毋以老自惰

同日又

奏為欽奉

上諭事竊臣接到部文欽奉

上諭各省副將以下遊擊以上官員未經引見者著令輪流來京引見其漢仗弓馬朕一看便知至於操守如何訓練營伍如何之處著各省將軍督撫提鎮於給咨赴部時據實密摺奏聞欽此欽遵劄行到臣將浙省不屬鎮轄之嚴協副將郝宏勲湖協副將穆廷弼臣標中軍叅將蘇明良三員另疏會

題保送給文赴部投候引

見外理合遵

旨恭繕密摺補行進

呈伏乞

皇上睿鑒施行

計開

前任大有玷缺之人此考語伊何能當
嚴協副將郝宏勳整飭營伍廉能素著

甚屬不堪之人如何加此上等考語爾敢具保乎
湖協副將楊廷弼諳練營伍操守廉潔

此人尚可觀乃用如此考語何也
臣標中軍參將蘇明良到任未久辦事勤謹操守

亦優

爾若似此瞻徇情面殊屬不妥矣

雍正三年九月初九日浙江提督臣楊長春謹

奏為欽奉

上諭事竊臣蒙兵部劄付奉

上諭内外文武官員曾經面奉諭旨除不能記載者其餘俱將諭旨並年月日一同繕寫進呈文武大吏自行封進其不應奏摺之人著封固交與該管上司轉

奏欽此劄行到臣臣隨移行各鎮協營一體欽遵去

後今據乍浦營遊擊黃天寅呈送封固

奏摺一封前來臣謹遵

旨轉

奏伏乞

睿鑒謹

奏

黃天寅之奏粗鄙不堪之至若不能記憶則不寫亦可

乃如此混行書寫進呈甚屬無謂黃天寅居官何如之處據實奏聞

雍正三年九月十八日浙江提督臣楊長春謹奏為敬聆

諭旨恭謝

天恩事雍正三年八月二十九日署理浙江巡撫臣福敏到任視事臣自寧波赴杭恭請

聖安隨蒙傳

旨朕聞浙江提督楊長春做官罷輒官兵怠玩著他奮志勉力欽此臣跪聽之下不勝惶懼益深感激伏思

臣以庸鄙武夫謬膺全浙重任分宜勉竭駑駘力圖報效緣浙省營伍廢弛日久又兼臣才智短淺迄今一載尚未能振作興起罷輒之愆實難自逭今復荷

恩旨寬容不加罷斥俾臣知過臣從此惟有謹遵

聖訓益加奮志勉力以圖補過於將來理合繕摺奏

謝謹

奏

徒言何益要當勉力行之果能奮志振興朕自然知道
雍正四年二月初八日浙江提督臣楊長春謹

奏為恭謝

天恩事雍正四年正月十九日臣齋摺把總回寧恭捧
欽賜福字一幅到臣當即郊迎至署恭設香案望
闕叩頭謝

恩祇受訖伏思臣以庸陋武夫毫無報稱頻年以來荷

蒙

皇上賞賜教訓有加無已固已感激難言今復蒙

九天御墨頒賜邊海遠臣

洪福照臨之下臣舉家生生世世皆享

皇上昇平之福於無既矣臣惟有日凜

誠諭時圖振作竭盡駑駘以期仰報

高厚於萬一耳理合繕摺奏

謝謹

奏

知道了趁爾年力未至衰邁宜殫竭以圖報效黽勉以全始終不可隳頽志氣

雍正四年四月二十日浙江提督臣楊長春謹

奏為恭謝

天恩事竊臣齋捐家人回寧奉到

皇上硃批諭旨臣隨恭設香案望

闕叩頭謝

恩訖伏念臣才疎識淺到任以來雖勉竭駑駘亦僅循
分供職並無寸長報效乃蒙我

皇上浩蕩之恩不即罷斥屢頒

誠諭臣跪讀之下不勝惶悚警惕感激涕零惟有敬遵
訓旨以臣未盡之餘年竭力黽勉奮志圖報

知遇之隆恩已耳謹繕摺奏

謝伏乞

睿鑒謹

奏

循分二字莫看作輕易果能循分盡職無少玷缺則職分之外更有何長可效耶朕之諄諄勉勵汝者亦正謂凡責任中所當為之事令汝循分為之庶可無忝厥職毋罷軟毋廢弛更毋柔善自處以邀屬員之譽姑息寬縱以驕兵丁之心似此皆令汝循分盡職之諭也爾其奮勉勿怠

欽定四庫全書

硃批諭旨卷一百十三

硃批黃元驤奏摺

雍正元年十一月十八日山東登州總兵官

臣黃

元驤謹

奏為奏

聞事竊臣一介武夫至愚極陋蒙我

皇上殊恩由副將

特擢臣廣東瓊州總兵官旋調登州總兵官臣何人斯

屢蒙

特簡殊恩即粉身碎骨亦難仰報惟有殫竭犬馬庶幾

稍盡職守所有微臣到任清理營伍事宜謹臚列

奏

聞

大凡提鎮到任率皆有此一奏內中頗有言與行符者

一申嚴扣剋以清營伍臣歷任山左十有四載深

但不多耳類斯陋習皆朕所深悉爾乃朕元年擢用之

知營中陋弊遇新官到任之始長接例有夫儀參

人非此等常務宜實心任事謂則有贊見賀禮種種名色豈盡出於將領科斂用人顏面爾福不可量倘少有所負為朕覺察禍亦不侵蝕恐或不免臣概行革除嚴加申飭務期餉清可測聞爾向日為人居官聲名俱好所以授此要任慎母倚恃恩寵遂爾驕恣改移初志勉之糧足不少分毫倘有違犯臣指名糾叅斷不敢姑容以貽兵害

一文武和衷以安兵民臣到任之始即通行曉諭
各營將弁務期文武和衷兵民相安不得乖張多
事庶地方享安靜之福

一時勤訓練以資防禦查軍中之利器莫如鳥鎗

勤加操演火藥或致不敷臣隨通行各營開造清冊凡有養贍名糧據實開報臣酌量各官大小兵丁鎗手若干分別量留幾名以資兵弁養贍并備火藥之需至於器械旗幟等項查有敝壞者容臣陸續修整臣受

恩深重圖報無由斷不敢稍有徇私之處以致上負天恩為此繕摺謹

奏

覽奏朕深為嘉悅只要實心實行朕之耳目自能照悉
諸凡竭力為之不必瞻前顧後掩飾前任之失悞曲徇
同官之請託以自取掣肘之累特諭

雍正元年十二月初九日山東登州總兵官臣黃
元驤謹

奏為請

旨事竊查兵丁之苦累莫重於扣剋而扣剋之源皆由
於營中指稱辦理公務或借餽送上司并修理旗

幟為名指一派十陰圖肥已臣受事之初即將陋

弊革除通行明白曉諭兵丁使官弁無可掩飾又

行清查各營養糧數目送到清冊其中多寡不一

亦有全無此項名色者但恐沾名於外暗中侵扣

亦未可定莫若酌量定數是極庶不致虛冒滋弊查臣

衙門舊有親丁養糧四十分至副將養糧擬酌留

馬步二十五分叅將十八分遊擊十四分都司十

分守備八分千把四分其餘多占名糧悉令概行

補伍如違查出立即糾叅然
養贍亦係當有者果此數外一無虛冒即為上上者也
朝廷糧餉原不當有養贍名色雖歷來舊例實出

皇上格外之鴻恩也再查營中公務操練鳥鎗製造火

藥修理旗幟在在需費臣愚以為大營擬酌留公

費糧十分小營擬留六分為營中公務之用如此
更屬允當

則官弁不得借端科斂操演亦得純熟矣臣更有

請者登州沿海島嶼甚多必得熟諳水師之員於

官船出哨之後不時巡查臣看得壽樂營守備謝

雲濟南城守營千總鄧成玉臨清營把總孟天棟

俱係諳練舟師熟悉水務之員或可調補標下以

甚好

開印後題奏

便就近調遣一轉移間庶人地相宜指臂有資矣

是否合宜悉聽

聖裁謹

奏

覽爾此奏朕甚為嘉悅但督撫提鎮蒞官之初孰無此一奏言之則天花亂墜而實力遵循言行相符者甚少

間有勉強踐言者亦皆捨此而就彼汰舊規而覓新利此等作用難逃朕鑒更或始勤終怠得名改操似此者比比不可枚舉今覽所奏殊非泛泛頗似實心報效立志公忠者果能如此朕得一好鎮臣矣勉之

雍正二年正月十九日山東登州總兵官臣黃元

驤謹

奏為奏

聞事竊臣查山東沿海礮臺僅一土堆上有礮亭一間

傍有營房三間若發礮之時恐連臺震倒臣前任

真笑話却是實事

文登副將查文登沿海有礮臺三十二座每臺兵

五名經前撫臣李樹德查海至文見臺多兵少因

只留臺十一座每臺安兵十名今思一臺十名之

兵焉能禦敵文登如此他營可以類推去冬臣在

省時撫臣黃炳以沿海原設礮臺墩臺相商臣深

知情形若行修葺徒費無益臣愚以為查近村要

處酌留幾墩撥兵二三名專司瞭望馳報將臺兵

礮位仍各歸還本營本汛臣酌量沿海營汛分給

將此

礮位以為防禦之用但子母礮每發用火藥四五

捐造火藥鉛砂之事與黃炳商酌如伊從容可辦

固好

兩不等所用過多臣無力捐造今撫臣有捐修沿

倘伊力量不能此係正務即動用正項錢糧亦可

汝二

海礮臺墩臺之商臣欲將省修沿海礮臺之費即

人公同題請

捐造火藥并多造砂子分給營衛汛地操練大有

裨益緣事關

將情

由聲明具題可也

題明之臺座

臣

未敢擅便奏請

聖裁至於操練子母礮臣請自春操為始與連環鎗一

例操演如果留心學習操練純熟臣當據實保舉

如有操練懈怠虛應故事

臣

即查實糾叅

甚好

臣

仰體

皇上愛惜人才之至意不敢過刻以繩人亦不敢過寬

如此方是

以廢法臣又思近海州縣所轄沿海鄉莊舉行團

練之法最善不但保固地方或偶值官兵勦捕之

際鄉勇亦可以張應援之聲勢臣愚昧冒奏是否

統乞

皇上訓示施行謹

奏

覽所奏朕深為嘉悅勉為之

雍正二年三月初十日山東登州總兵官臣黃元

驤謹

奏為臣標亟需諳練之員仰懇

聖恩擢補以重海疆以資指臂事竊臣標右營遊擊現在缺員應聽部推臣何敢瑣瀆但臣標有應援之責指臂調遣必得才長識敏之員始克勝任查有

臣前導

旨題請新調臣右營守備謝雲技勇兼優辦事敏捷堪

以補授臣標右營遊擊倘蒙

俞允所遺守備員缺查臣標水師前營守備史節文雖

才堪驅策水師船務非其所長以之調補臣標右

營守備實屬稱職其水師守備員缺查有部發臣

標候補水師守備姚郎原係臺灣把總水師慣練

堪以補授但山東非係

題補地方臣為海疆得人起見冒昧具摺

奏請可否擢補伏候

聖裁謹

奏

照依黃元驤奏請補用該部知道

雍正二年閏四月十三日山東登州總兵官臣黃

元驤謹

奏為恭陳下悃仰懇

天恩事竊臣一介微賤屢沐

殊恩即捐糜頂踵亦難酬報因思臣有長子翔麟年三十六歲質雖愚魯年力頗壯正當代臣勉竭犬馬以圖報效之日仰懇

聖主洪恩破格收錄准令當差效力俾臣子得侍輦轂之下恪供職守將來策勵成人皆

皇上教育造就之所賜也謹冒昧具摺叩懇即遣臣子

翔麟恭齋捧

進伏乞

皇上恩賜垂鑒謹

奏

爾子若係不可成就之質朕即遣回矣因其大有可觀
堪許跨竈已留用侍衛矣此子將來可以為國家效力
者

雍正二年八月二十日山東登州總兵官臣黃元

驤謹

奏為特舉賢員懇

恩遞補以收實效事竊查萊州營叅將李元洲居官不
職臣已特疏糾叅所遺員缺有臣標水師前營遊
擊陳汝鐫操守廉潔馭下有術若以擢補萊州營
叅將不惟地方得人即各營官弁亦莫不觀感思
奮查東省無

題補之例臣未敢具本但此等才守兼優之員若不
據實陳

奏臣捫心亦不自安可否擢用之處出自

聖裁倘蒙

恩准將陳汝鐫擢補則水師遊擊之缺必得熟練舟師
之員查臣標右營遊擊謝雲諳練舟師若以之調
補於海防大有裨益至於臣標右營遊擊一缺有
操練應援之責若蒙

皇上於記名人員內選擇補放微臣指臂實有攸賴矣
為此繕摺謹

奏

萊州叅將員缺候朕諭部命爾保題具本時將謝雲一併題補可也不必引此密諭

雍正三年六月十六日山東登州總兵官臣黃元驤謹

奏為密奏事雍正三年五月初九日准布政使布蘭泰密書到臣為敬陳採訪等事四款奉

硃批此事可與陳世倌黃元驤說知著伊等詳議密奏

欽此臣伏思所陳如兵船扼要巡防海口分別堵
決海舟給單查驗海口撥員抽稅四款有極宜行
者亦有未便者臣前接撫臣來函登萊一帶公務
紛投未遑親詣查勘俟歷年

奏銷及秋審事竣即當策騎蓬萊等語臣即可以候
其面議但恐稽延日久未得覆

旨謹將芻蕘之見先為分析另單密

奏仍俟撫臣詳議是否相宜再為合詞回

奏仰乞

聖裁謹

奏

仍當與撫臣陳世倌會商具奏擇理長者而從之毋隨
順母固執倘撫臣與汝所見不同有不契合處不妨兩
議奏來候朕酌定此諭密之

同日又

奏為恭謝

天恩事臣標萊州營叅將李建功密錄

聖旨一摺到臣捧接跪讀感激涕零隨望

闕叩頭謝

恩竊念微臣世受

國恩雖勉竭駑駘尚恐無以酬

聖朝養之恩乃蒙

皇上覆載洪仁以獎勸為勉勵臣惟有朝夕冰兢始終
一節不敢少有隕越以負

聖恩為此繕摺

奏謝謹

奏

所奏知道了接朕此旨當更加謹慎勉力盡職若因此肆志則自悞矣

雍正三年九月十二日山東登州總兵官臣黃元

驥謹

奏為叩謝

天恩事竊臣遵

旨陞見八月初七日入

朝恭請

聖安蒙

賜克食即

召入養心殿仰瞻

天顏敬聆

天語頻奉

溫旨即父子之恩未有若是之深者臣雖粉骨難酬惟
凜遵

聖訓不敢恃

寵而驕縱不敢昧心以自欺竭蹶勉力以仰報

天高地厚之恩於萬一再有

奏者膠州營守備李景泰臣已遵

旨帶回原任但臣冒昧之愆蒙

皇上格外寬宥臣感激

天恩犬馬之報世世不忘謹瀝情具摺

奏謝伏乞

皇上恩鑒謹

奏

爾今已經陞見領過訓旨知朕意向之人非從前可比
若稍有違負則有心之過朕斷不寬恕勉力敬慎為之

雍正四年二月二十一日山東登州總兵官臣黃

元驤謹

奏為奏

聞事竊登州一帶沿海設有威海成山靖海大嵩鰲山
靈山安東七衛前奉文裁併衛所撫臣有仍留邊
海各衛之議後經部駁臣去秋

陛見回到省撫臣問臣邊海各衛應裁與否臣答以邊
海與內地不同邊海屯民隔州縣遠與衛官親
近偶有汛防不及之處衛官傳呼屯民立應大有
益於海疆撫臣云俟

陸見回即來東省查看海口面商等語臣今致書撫臣商議外謹將邊衛情形據實奏

聞又沿海僻處礮臺礮位臣遵

旨掣回營汛操演報部在案其衝要處應修之礮臺撫臣遵

旨陸續建造委登州知府蔡日逢會同營員查看擬於登州近處先建一二座以為式樣俟建起一座即將形勢繪圖會同撫臣奏

聞謹

奏

知道了去年朕觀爾微有老景爾受朕知遇宜振起精神勉盡厥職若以年老廢弛公務斷然不可

雍正四年九月初六日山東登州總兵官臣黃元驤謹

奏為奏

聞事雍正四年八月二十四二十七等日據臣屬沿海

各汛報稱江南造送天津哨船十二隻在洋遇風
開散有押船守備顧賓千總馮得遇把總任彪陳
世英劉士斌押船五隻飄至膠州海口又報崇文
把總沈定邦押船一隻開往馬頭嘴又報江南水
師營林遊擊押船一隻開往東行此二船尚未報
收泊何處等因臣即備文知會江寧撫臣蘇松鎮
臣外隨飛飭沿海各海口官弁逐處挨查在後各
船收泊下落即速飛報據守備顧賓稟稱哨船桅

篷被風損壞已具稟江南巡撫著令州縣採買大
桅篷料等情但轉瞬交冬北風高烈即買就桅篷
裝送來膠修理一時未易運到歲前勢難赴津今
臣起程赴成山頭海口一帶查未到各船信息一
路到膠州查各哨船水手人衆恐食米不敷自當
資給充足俟桅篷運到修理堅固船隻會齊明春
方可令其駕駛赴津為此繕摺奏

聞伏乞

皇上睿鑒謹

奏

所奏是明春候風順赴津已有旨矣一切人役加意照看毋令至於窘乏傳旨與撫臣陳世倌

硃批諭旨卷一百十三

欽定四庫全書

硃批諭旨卷一百十四

硃批趙國瑛奏摺

山東兗州總兵官臣趙國瑛謹

奏為敬陳因革事宜仰祈

睿鑒事竊臣蒙

皇上洪恩擢用總兵於本年九月十八日抵兗州署已
具疏報明外臣查東省營制廢弛日久而兗鎮新

設措置亦未盡善臣謹將應留應革之項為

皇上細陳之一查臣衙門留有養糧四十分養贍家口

此外尚有守糧三十分以備修理衙署及一切公

費者今酌留二十分以充公用餘糧十分仍招募

補伍一查前鎮臣馮傑另有長隨馬步糧六十五

分現在虛懸者十之七八今已令招募補實歸伍

當差一查各營兵米每石折價一兩司餉姦書每

石有使費銀四分臣今已通行禁革一查大小各

營向日酌留公費糧十分六分不等為製造火藥
器械等公用臣令存此一項備辦公事每年歲終
查核銷算餘銀儘數製辦綿甲一查各營餽送臣
衙門節禮季規每年約六千金臣思此項銀兩各
屬從何措辦必皆取於空糧今已將一切陋規通
行革除嚴飭各營將歷來空糧盡行補實如有虛
冒隱瞞者容臣密訪糾叅以上數條係臣現在因
革事宜理合繕摺奏

聞謹

奏

實力秉公而行朕自然洞悉勉為之

山東兗州總兵官臣趙國瑛謹

奏為遵

旨密奏事臣入境後訪得臨清協副將吉自隆實力催
漕勤於操演臣十月內赴臨督催果見其人誠實
勤慎但查其履歷中有年羹堯題補成都叅將一

案即細加查駁據伊備述進藏題敘皆係平逆將軍延信任內之事年羹堯止據功冊題補臣究未深知不敢懸斷我

皇上聖明自能洞照因一面給文令其赴部引見伏乞

睿鑒施行謹

奏

所奏知道了朕如何肯令無辜之人致罹冤抑

山東兗州總兵官臣趙國瑛謹

奏為奏

聞事竊臣近聞沂州郟城一帶有負販私鹽出入其間
臣已委員分頭巡查現今拏獲數起移送有司照
例究治外今據撫臣陳世倌咨商欲於兩省交界
私鹽出沒處所添設備弁及兵役分防臣思設官
添兵所係匪輕苟措置少不合宜不但虛費錢糧
且於地方不無滋擾臣擬親歷其境相度情形應

否添設官兵之處臣斟酌妥協繕摺奏

聞請

旨俞允之日再會同撫臣另疏具

題為此謹

奏

果若斟酌妥協有應添設之處即當會疏具題何云請
旨俞允再會撫臣具題豈有如此煩瀆之理

直隸天津總兵官臣趙國瑛謹

奏為奏

聞事竊臣蒙

聖恩調任天津於四月十五日恭請

聖安後隨於十七日起程二十日抵任已經具疏報明
外查臣前任山東曾請將守備黃欽千總靳士正
劉士美三人隨帶前往蒙

皇上俞允今黃欽已蒙

特恩補放壽張營遊擊其千總靳士正劉士美未經題

補今蒙

恩調補天津思此二人係

皇上准臣隨帶者今復帶至新任倘有補用之處求
皇上仍准臣具奏請

旨敬將

硃批一摺呈繳謹

奏

知道了題補靳士正等時將緣由於疏內聲明可也

直隸天津總兵官臣趙國瑛謹

奏為遵

旨奏明事我

皇上御極以來整飭官方澄清吏治慮旗員受該管勒索之苦

特申誠諭凡本旗諸王以及佐領概不許需索外官違者照律究擬今有本鎮佐領韓塏奉差前往灤州查看地畝颺言係臣該管佐領妄受灤汛千總猪

酒事畢又遶道於本月十九日至臣衙門需索歲額幫貼臣凜遵

聖諭不允所求誠恐事發有蹈隱匿之罪因據實奏聞伏乞

皇上睿鑒施行謹

奏

凡百悉能照此直陳朕實嘉之必事事咸能如此始為純然不欺若因向日之恩怨而分別隱露則朕只嘉獎

一半耳勉為之

直隸天津總兵官臣趙國瑛謹

奏為奏

聞事臣查得津鎮衙門效用白役甚多實為地方之害
兼且躲避差徭臣一衙門裁革者四百七十餘人
并通行各營盡行裁革造冊移明有司一體均役
再查各營向有公費守糧為備辦火藥旗幟等項
而設今酌量營頭大小水陸衝僻量留名糧六七

分此外悉行募補再臣查閱舊時盜案頗多半由
於歲歉飢寒所迫各營遊巡兵目皆虛應故事以
致若輩無忌肆橫臣於效用千把內揀選才能者
數人令帶強幹馬兵到處巡拏盜賊庶可望其逐
漸消弭至於今歲麥田大收運河水滿南來糧船
甚速目下過關者已十之八九矣合併

奏明謹

奏

所奏俱悉

直隸天津總兵官臣趙國瑛謹

奏為奏

聞事竊查侵課脫逃銀匠夏文熊等於本月二十五日
被城守營番役躡緝至王家院地方王莊頭家拏
獲交送天津鹽道衙門收審訖理合奏

聞謹

奏

好能如此實心任事何慮諸務不辦集耶勉之

直隸天津總兵官臣趙國瑛謹

奏為奏

聞事雍正四年九月二十五日據江南淮安府知府劉

之頊直隸河間府東光縣知縣董翰芳

臣

屬河間

協標右營守備繆允斌公呈內開知府劉之頊奉

欽差刑部左侍郎黃炳部牌追趕淮安關任滿監督慶

元船隻並緊要家人於本月十二日趕至東昌府

東關地方趕上慶元大沙飛船三隻會同東昌府
東昌營將三隻船上所有資財箱櫃物件共封貯
二百八十號又拏獲慶元緊要家人李福等十三
名已委員督押資財船隻以及緊要人犯往淮去
訖劉之頊又訪聞得慶元尚有前行船隻又星飛
兼程追趕於九月十八日前至直隸東光縣地方
趕上沙飛馬溜等船共計六隻拏獲總管康二并
緊要家人孫應仲等隨搜查船上有銀三十七大

包又一小包共計銀五萬九千兩其餘各項箱子
資財物件尚多現在公同文武各官逐一封固因
係臣之屬境詳報到臣理合繕摺奏

聞謹

奏

知道了貪污尚屬慶元之小罪負朕高厚之恩深為可
惡

直隸天津總兵官臣趙國瑛謹

奏為奏

聞事竊臣蒙

皇上令臣會同侍衛蔡勇藍翎林全將閩浙江南三省製造之天津水師戰船相度海口水勢編列號數一同管理至船上需用物件舵工水手工食銀米等項亦令臣咨明督臣在於天津倉庫就近支領俟都統臣巴顏德到任時接管今查閩浙二省大小戰船二十隻於八月初八日進口臣會同蔡勇

相度水勢停泊並咨明督臣挑挖船塢以蔽隆冬
風雪外其江南船隻尚未進口誠恐三省舵工水
手工食數目不一因閩浙船隻先到臣酌量每人
先支借銀二兩米三斗咨明督臣在於天津就近
支領俟江南船隻到齊之日臣會同林全將舵工
水手酌定與閩浙畫一然後咨明督臣支領至於
編列號數伏懇

皇上欽賜船名臣會同蔡勇排列號數以肅軍威以垂

永久伏乞

皇上睿鑒施行謹

奏

好

蔡勇漢仗壯健心性耿直係勇猛向前之人但少覺粗率耳百凡當分任其勞不可推諉於伊一人令伊難於辦理

直隸天津總兵官臣趙國瑛謹

奏為恭請

睿裁以重海防事竊臣前往查看沿海一帶地方查得
大沽海口礮臺一座尚在堅固安設馬步兵二十
名防守其餘營汛木樓礮臺墩臺均係歷年久遠
不行修葺多有損壞以致雖有設兵之名而無防
守之實臣今度其地勢之緊要仍留木樓土墩設
兵防守其不關緊要者量行裁減惟沿海礮臺俱
係緊要臣愚請照沿路墩臺之例每礮臺一座安

礮二位蓋房十二間派馬兵一名步兵五名攜眷居住防守於沿海甚有裨益至於修理礮臺木樓建蓋兵房移咨督臣委員辦理是否可行伏乞

聖裁批示以便遵行謹

奏

木樓礮臺損壞豈止此數處直隸一切煙墩汛房皆然且不但直隸各省廢弛者亦甚多焉有許多錢糧一時盡行修理此事爾與督臣密商請旨則可移咨督臣委

員辦理之言甚屬差謬



硃批諭旨卷一百十四

欽定四庫全書

史部

硃批諭旨卷一百十五至

臣 永瑤 恭 校

編修 臣 裘 謙 覆 勘

總校官中書 臣 朱 鈐

校對官中書 臣 陸 湘

膳錄監生 臣 范 光 謙

欽定四庫全書

硃批諭旨卷一百十五

硃批田畯奏摺

陝西涼州總兵官臣田畯謹

奏為奏

聞事竊臣叨沐

皇恩畀以封疆重任自今歲奉

旨撤兵於八月初九日抵涼州住所隨即清查標屬各

營兵馬錢糧盔甲器械一切營汛事宜緣軍興以來節次征防以致營伍凋敝甲冑破損及不足者十有四五查涼州鎮標設公費步糧一百二十五分涼屬永昌營設公費步糧二十四分莊浪營設步糧一十六分其餘大小營分或設步糧十二三分以至守糧二三分不等臣准督臣岳鍾琪來文涼州應製辦帳房六百頂鑼鍋六百口今在藩庫先借銀兩作速製造其借過庫銀即將公費扣還

臣即遵照領銀製造至營中盈甲破損及不足數

者

臣

將製造鑼鍋帳房餘剩銀兩飭令五營作速

補造至永莊二屬各營盈甲

臣

俱嚴飭該營官弁

將各營公費糧餉作速料理製造再

臣

承准督

臣

岳鍾琪遵

旨委署甘提印務於十一月十五日抵甘署理隨查提

標五營額設盈甲帳房火藥器械等項亦皆大半

損壞不全

臣

查提標設有公費步糧一百五十分

即嚴飭五營將公費糧餉製辦修補齊全以濟實
用所有查過臣標屬併甘提標破損及不足盈甲
鍋帳另具一摺恭進

御覽謹

奏

盈甲器械通融公費修補整齊以壯軍容甚屬可嘉但
須實力奉行勉之

陝西涼州總兵官

臣

田峻謹

奏為恭繳

硃批諭旨仰祈

睿鑒事竊

臣

於雍正五年二月二十四日自涼州起程

赴京

陛見行至

臣

屬土門堡地方有

臣

齋摺千總捧到

皇上硃批諭旨

臣

即望

闕叩頭謝

恩訖伏思整飭營伍乃

臣

職分當然荷蒙

天語褒嘉

臣

跪讀之頃惶悚靡寧惟期勉竭駑駘實力

奉行稍盡犬馬之職於萬一臣謹將

硃批原摺恭繳伏乞

皇上睿鑒謹

奏

覽

如果言行相符有何惶悚靡寧處

廣西提督臣田駿謹

奏恭請

皇上聖安

朕安

軍需案內爾與韓良輔李佛保皆係一例處分朕因爾
應賠之數尚不甚多粵西又未得勝任之人從寬留爾
在任賠補但既有此一事更當於操守勉力一生功名
人品豈只值數千金耶凡關利之一字當避如蠱毒方
能保全功名始為不負任用於此一字少見不透則將

朕知遇之恩付之流水矣勉之慎之

同日又

奏為奏

聞事竊

臣蒙

皇上隆恩簡用提督到任之後查粵西舊案苗種相殘俱以遠年仇隙起釁二三年來仰賴我

皇上德威夷民漸知禮法土司不敢玩縱惟離城寫遠之苗種間有捉人羈禁索銀勒贖搶掠耕牛霸占

田產之事雖該管文武極力拏究而此風尚未盡
息臣細加訪查夷性頑悍輕生法非所畏惟遷徙
地方則既不能占踞產業又不能固結惡黨且地
利不熟獨力難支是以夷情所畏惟在於此臣愚
意欲因其所畏者以治之則可移風易俗嗣後流
土地方之苗獍如有不遵化導仍聚衆仇殺者除
正犯治罪外其餘家口令該管文武清查造冊詳
報督撫核明遷徙鄰省地方安插於禁止仇殺似

有裨益是否可行伏乞

聖裁謹

奏

此法甚妙可與督臣詳細商酌如應題奏會疏具題可也

廣西提督臣田畯謹

奏為備陳粵西情形仰祈

睿鑒事竊臣查南丹土州地方舊有錫礦間出銀砂自

朕聞此地聚集有數萬之衆皆四方匪類聚時雖如此之多至秋盡冬初獲利散歸人言大率如此然知之近又於附近各山開有新山水龍北鄉等廠經前督撫提臣令屬含糊朦朧所奏既不詳細朕未經洞悉豈肯妄立意見批諭如何若何耶
嚴禁油米鐵器不許入廠意在絕其日用自必散去立法可謂嚴謹無如此廠與黔省獨山州黃坭哨狗塘寨土司連

界油米等物俱在獨山州搬運由黃坭哨蠻尾塘

入廠日用終未缺乏礦徒仍未驅盡臣細訪礦廠

之弊富者出資本以圖利貧者賴傭工以度日惟

今日雖不擾民可保他日不滋事乎
利是圖不敢擾民滋事是以旋驅旋聚無所底止

斯等現在嚴行驅逐臣愚以為不如明令開採設立廉

幹大員有關係之事豈可如此輕易亂言
今日之不生事實緣礦砂未絕他日之滋生事端必因

礦盡如礦砂未絕則照例抽收至礦盡山空則利徒不

驅自散矣是否可行出自

聖明乾斷臣再查廣西苗猺穠種內從前肆惡者惟思

明土府之鄧橫為最近年以來漸次斂跡臣查其

可以化導者諭其遷善如怙惡不悛臣即設法擒

治本年七月十六日據署上林營守備周得勝稟
報有富川縣民蔣友榴居西林縣巖康地方租土
惡潘定遠之山地栽種粟米今歲大熟定遠主使
抱甘等恃強割去繼而友榴及妻俱被殺害伊弟
友鏡控於西林縣將抱甘等拘拏審訊途間被潘
定遠父子叔姪率領多兇搶犯而去臣即檄行泗
城副將就近協拏又於八月十六日據西林令申
稱潘定遠等窮兇極惡案積如山請發大兵擒勦

等情臣又檄令思恩副將委備弁各一員帶鎗手
兵二百名併行撥土田州土兵二百名會同泗城
安隆上林三營官兵與該縣前去擒捕務獲潘定
遠等以正其聚衆搶犯之罪理合繕摺具

奏伏乞

皇上睿鑒施行謹

奏

類此等事務須籌畫萬全而行方無後悔切毋多事致

損國威朕於數千里外難諭是與非也此事自當與督臣詳酌為何摺中並未提起

廣西提督

臣

田峻謹

奏為奏

聞事竊

臣

於八月內據西林縣申報土惡潘定遠等當

官搶犯請兵擒剿一案

臣業經具

奏即於九月內官兵齊集路程地方潘定遠等咸知
畏懼即與潘允抱甘等自赴行營投到十月十五

日據泗城副將撥差弁兵押解到省臣即移交撫

臣韓良輔轉發收審外至思明之鄧橫寨臣行文

勒令砍竹毀垣繳械去後隨據思明同知把總等

回稱前至該寨諭以禍福現在自行砍毀併繳出

鳥鎗十數桿其寨內人口俱經該同知查點訖臣

又咨會左江鎮臣齊元輔嚴查該寨但有器械令

其盡繳將竹圍伐盡根株以免日後復恃為非其

餘各寨亦次序料理臣惟仰體

皇上好生之德凡遷善者即予以自新仍怙惡者必須擒治緣係地方事宜理合據實

奏明謹

奏

所奏知道了但爾等封疆大臣切記不可偏於柔善姑息以養姦成患好生固屬美德又須揆酌情理假如縱豺狼以傷物命亦可謂之好生乎若無害於地方民生原非豺狼可比好生二字更不必言矣凡涉於沽名干

譽之事皆不可為勉之慎之

廣西提督臣田駿謹

奏為叩謝

聖訓事竊臣伏讀

御批荷蒙

主恩諄諄指示臣下愚陋質不勝感激惶悚所有禁止

仇殺一事臣遵

旨與督臣孔毓珣商酌外查南丹土州礦廠督臣同臣

俱差將備會同地方官至廠宣布

皇上德威示諭礦徒人等作速散歸不許逗留礦徒及
買賣人併婦女約有二萬咸遵法紀於九月內盡
行散去其井口房屋自行燒燬臣思此廠僻在土
司之中必須添設一汛以專責成現在咨商督臣
俟酌定妥議後另摺具

奏至臣請令開採之奏惟見目前相安未慮後日滋
事及跪閱

硃批諭旨

睿慮周詳無微不至始知臣之粗疎愚昧如夢方覺也

荷沐

聖慈寬宥理合繕摺奏

謝謹

奏

朕所倚賴者爾等封疆大臣將地方事宜籌畫妥確奏聞於朕酌量施行方得治理之要若皆似爾將地方此

等大事一味草率孟浪全不向人商酌任情瀆奏令朕
遙定於數千里之外及自知不是又毫無愧怍但以如
夢方醒數句頌聖空言結局則大負朕之倚賴矣況朕
簡用作夢之人寄以封疆重任則朕亦何有無微不至
之明耶爾愧與否朕則不知朕實深愧乏知人之明奈
何奈何

廣西提督

臣

田峻謹

奏為叩謝

天恩從寬賠補軍需事竊

臣

一介武夫虛糜厚祿屢沐

洪恩極人生未有之榮遇即捐糜頂踵難報萬一茲因

軍需案內有臣應賠之項更沐

聖慈寬宥許

臣

在任賠補且荷

天語誠諭不啻家人父子

臣

跪閱之下感激涕零惟有

誓竭犬馬之力不敢稍負初心以仰報

高厚之恩耳理合繕摺奏

謝伏乞

皇上睿鑒謹

奏

朕今日之恩為爾暫時之榮他日之辱又在爾自取與否也勉力全在去詐偽而已欽哉毋忽莫少差爾念

廣西提督臣田峻謹

奏為恭繳

御批事雍正五年十二月臣標把總齋回

奏摺二件又六年正月十一日齋回

奏摺三件二月二十七日齎回

奏摺三件俱蒙

皇上硃批臣跪接至署叩頭開函敬閱臣蒙

主恩委以邊方重任才庸識短思慮不周屢沐

弘慈訓諭臣慚懼彌深敬謹匪懈諸事務求切實以期

仰報

高厚之恩於萬一耳所有節次奉到

硃批理合恭繳謹

奏

諸凡實力為之但能勉行朕自有鑒照不在言語章奏間也

廣西提督臣田畯謹

奏為奏明地方情形事竊西隆州八達寨土惡顏光色顏光東等同惡相濟不服有司拘喚本年二月內據西隆州知州詳請官兵先將首惡顏光色擒勦懲一警百臣密咨督撫商酌捕治隨准督撫二

臣咨覆

臣

即飛檄署泗城副將速飭上林安隆二

營守備遣撥弁兵前往會捕續據署上林營守備

呈稱顏光色等糾合西林縣屬之弄芒寨目岑顛

等刦殺焚擄惡燄愈熾

臣

據報飛咨督撫商酌已

定於三月十一日行撥泗城思恩二協上林安隆

二營精兵七百名又撥土田州土兵三百名俱令

署泗城協副將常顯虎統領調度又差

臣

標中軍

守備熊文舉兼同辦理軍事擒捕首惡解散餘黨

其八達寨與滇黔接壤臣密咨貴州安籠鎮臣併

檄行雲南廣南營叅將互相堵禦訖俟事竣之日

另摺具

據

孔毓珣亦經奏聞矣詳慎為之

奏再查南丹礦廠臣與督臣孔毓珣酌定添設一汛

業已會疏具

題本年二月內弁兵到廠駐防凡外來礦徒永無潛

聚之患矣惟南丹土知州莫我謙世守其土向來

私收廠稅臣屢飭莫我謙親往廠地督率土目將

各處礦口填塞堅固乃敢怠緩推病且不嚴束土
目毫無公忠為

國之心臣已屢咨督撫嚴飭矣理合繕摺奏

聞伏乞

睿鑒謹

奏

是

礦廠一事既欲清釐必須徹底料理不可少有疎忽仍

令如故也

廣西提督臣田駿謹

奏為調發官兵擒治土惡以除民害事竊照西隆州
八達寨土惡顏光色等肆惡殺擄一案經臣咨會
督撫酌撥漢土官兵一千名委令遊擊常顯虎等
前往擒捕先行化誨續據該遊擊等稟報有顏光
色之子到營投見懇請寬限勸伊父出投該遊擊
縱之還寨冀其悔罪投首後據報稱顏光色等多

備鎬礮率衆拒敵請再撥田州土兵四百名及大礮三位經右江鎮臣段宗岳發給礮位添撥土兵去後臣又咨右江鎮預備官兵五百名聽候右江鎮就近移調併咨明督撫在案隨准督臣孔毓珣咨覆已照會右江鎮酌量移調官兵親行統領調度就經鎮臣段宗岳行調思恩協千總一員兵一百名移調左江鎮標遊擊一員千把二員兵三百名又帶領該鎮標千把三員兵一百八十名於六

月十二日已抵附近八達寨之八陽駐劄臣又據
遊擊常顯虎等稟稱五月十四十八兩日進兵鎬
死惡黨二十餘人而助惡岑扭已經誘獲六月初
四日思恩協把總李光玉帶兵護糧遇賊截搶被
傷身故後官兵齊至打傷十數賊人軍輜並未失
去其惡黨岑顛聞右江鎮親統官兵進勦即潛遯
廣南地方臣已咨明雲南督撫提臣檄行堵禦協
拏矣而顏光色仍據險不服七月初三日准鎮臣

段宗岳移知蠻惡寨後逼近雲南猓猓地方惟貴
州安籠鎮雲南廣南營與八達寨甚近可以聲援
業已移調安籠鎮標官兵四百名廣南營官兵二
百名俟會齊合勦等語又據遊擊烏元度稟報六
月二十日攻取賊人礮臺羅千總被傷身故損兵
二十二名查賊勢如此猖獗臣與撫臣郭鈇商酌
再撥臣標遊擊一員千把四員精兵四百名馳赴
八達策應務擒兇惡以靖地方至遊擊常顯虎按

兵待賊投首坐失機宜實屬庸愚臣已嚴加申飭
令其立功贖罪事關撥發官兵及鎮臣移調鄰省
官兵理合具

奏伏乞

皇上睿鑒謹

奏

爾之調遣委撥均屬不堪之極此等大事豈可不於深
知灼見之弁負中量才器使以收其臂指之效而乃如

此輕忽從事耶

廣西提督

臣田駿謹

奏為奏

聞事竊照西隆州八達寨土惡顏光色等負固不法先
委遊擊常顯虎帶兵前往擒捕因與西隆州知州
劉德健聽信就撫遂致賊黨修險抗敵及鎮臣段
宗岳親赴八達調遣即與西隆州知州劉德健議
論矛盾彼此爭論以致糜餉日久坐老其師後於

進兵之日屢次傷損備弁兵丁是以臣統率官兵
馳赴督勦業將起程日期具疏

題報茲

臣於八月二十八九等日行至西林縣地方

據安籠右江二鎮臣咨文內稱顏光色顏光東業
已被殺八達土人將賊首獻出等因到臣但思首
惡雖誅尚有賊子光應光贊併賊家屬黨羽未獲
恐貽後患臣即率騎兵前進約計四日可抵八達
俟到日酌行撫勦以靖巢穴併善後事宜另為會

商具

題所有微臣據報情由理合具

奏伏乞

睿鑒謹

奏

無恥已極除靜聽處分之外尚何顏具此一奏也

廣西提督臣田峻謹

奏為叩懇

天恩俯允

陛見事竊照八達兇逆已滅巢穴已焚茲

臣

班師回柳

凡經過地方俱皆寧靜懇祈

聖恩俯允微

臣

赴京

陛見恭請

天語訓誨庶嚴疆事宜有所遵循而犬馬戀

主之心亦獲稍慰矣理合奏

請伏乞

皇上睿鑒謹

奏

已有旨命鄂爾泰總督廣西矣爾尚覲顏具此一奏能
無愧乎

硃批諭旨卷一百十五